

NONHLAKANIPHO SHINGA

UBONGA uthando alukho-njiswa ngabantu base-Thekwini, kubalwa namaciko akhona, umculi waseBergville, uJabulani "Sjava" Hadebe, othi kukho konke akwezayo, uyazi ukuthi kunabantu abahlale bezimisele ngokumeseka. NgoMgqibelo lo mculi ubese-Yadini Lounge, eMlazi enza adume ngazo, ejabulisa abantu, okuyinto agcina ukuyenza ezinyangeni ezivu-6 ezedlule.

Uthi ukuba sesiteji kumvuselele kakhulu. Eyadini ubengomunye wabaculi abanandise emcimbini wokugubha iminyaka ewu-7 le ndawo kaJabulani "Mjay" Nzama yasungulwa.

USjava wacina ukunandisa emcimbini wakhe, i-A Night With Sjava, owawuseDurban International Convention Centre, mhla ka-29 kuNhlangano (February) lapho abantu babengangezimpethu zendlovu.

Njengamanye amaciko, lo mculi ubevinjwe wukuvalwa kwezwe ngenxa yokubheduka kweCoronavirus ukujabulisa abalandeli bakhe esiteji.

Yize lesi sikhathi sokuvalwa kwezwe sibe nomthelela omubi kwabaningi, uSjava uthi simszile ezintweni eziningi obekudingeka ukuba agxile kuzona njengokuthola isikhathi sokuzithola yena uqobo nokwenza umsebenzi omningi ngaphandle kokuba

Ukuvalwa kwezwe kumnike ithuba lokubhala izingoma

USjava uthi usesungule inhlango engenzi inzuzo

aphazamiseke. "Umculo yinto engiyithanda ngendlela eyisimanga. Ukuvalwa kwezwe kungenze ngaba nesikhathi sokugxila kuwona, ngenza izinto eziningi abalandeli bami abazozwa ngazo maduze nje," esho.

Phakathi kwezinto athi uthole ithuba lokuzenza, wukusungula inhlango engenzi inzuzo, iSjava Foundation, athi ubesenesikhathi eside efisa ukuyisungula kodwa isikhathi engasitholi.

"Noma le nhlangano ngiyisungule manje, kodwa kunesikhathi ngaqala ukwenza imisebenzi yokubuyisela emiphakathini njengoba bengike ngenzele izingane izindawo zokuqophela (umculo) nokunye okuningi," kusho yena.

Uthi inhlango enkulu yale nhlangano wukugqunguzela nokufundisa intsha yasezindaweni zasemakhaya ukuthi kayikho into efisa ukuyenza engeke ikwazi ukuyenza.

"Ngiyaye ngizibuke mina nje nalapho ngizalwa khona, ngingakholwa ukuthi ngakwazi ukuhamba ngize ngifike lapho ngikhona manje.

"Njengomuntu okhulele emakhaya, ngiyazi ukuthi kwesinye isikhathi uma sisakhula, siyaba nokuzenyeza nokubukela ezinye izinto kude nathi ngoba sizitshela ukuthi zifanele abantu abathile.

"Inhlango yami wukuvuselela ukuzethemba ezinganeni zase-makhaya, zazi ukuthi zingafinyelela noma yikuphi lapho zifisa khona," kusho yena.

Ubonge kuMjay ngokumeseka kakhulu kusukela engena emculweni eminyakeni ewu-5 edlule.

"UJabulani ungomunye wabantu abakholelwa kakhulu kimina futhi abangesabi ukunginika ithuba. Ngiyabonga kakhulu nakuyena futhi ngifisa aphumelele aye phambili," kusho uSjava.



The Dancing DJ, noDJ Happygal.

UKUVALWA kwezwe yize bekuletha indlela kubaculi abaningi, uSjava uthi kumnike isikhathi sokukhizisa amanoni amasha. Uphinde wasungula inhlango yokusiza abantu.

BASOLA "UMSAKAZI OBEBAQOLA" NGENGAMA LESITESHI

MTHOBISI SITHOLE

KABENEME abaculi bakamaskandi abathi kusetshenziwe amagama abo emncintiswaneni i-1st Annual Inkosi Kamasikandi 2020, osuse umsindo ngokuwina komculi ongaziwa, futhi ongaveli uma sebefuna isiqiniseko ngaye, obizwa ngoNgqongqoshe.

Abaculi basola ukuthi bashaywe ngemfe iphindiwe kulo mncintiswano obuhlelwe nguSabelo Mlambo, weBlaqBen Media and Entertainment, ozichaze kubo njengomsakazi weRise FM, bathi uthembise ukuthi ozodla umhlangano usowina u-R90 000, kuthi umlandeli ovote kakhulu athole u-R10 000 nomakhalekhukhwini.

Okukhalisa abaculi wukuthi umhleli womncintiswano uyababalekela uma befuna ukubona amavoti njengokwesithembiso sakhe ngesikhathi ewethula kubo.

Omunye wabaculi obeyingxenye yomncintiswano, uMnikezwa Ngubane, uthi uma befuna uMlambo, uyabaleka kodwa uyabonakala ebhala ezinkundleni zokuxhumana.

"Abantu balwa nathi manje ngoba bavote ngemali yabo, kabazi ukuthi kuqhubekani. Umncintiswano kawunabo ubulungiswa, sekuqhatheka thina nabalandeli bethu.

"Singene kule nto yakhe ngoba sizwa igama



UMDUMAZI MHLONGO

lomsakazo, osekucacile ukuthi ubedlala ngathi. Siyambhalela imiqhafazo sifuna ukubona amavoti ngokwehlulwa kwethu yilo mculi esingamazi," kusho uMnikezwa.

UBonabenza "Mdmuzi" Mhlongo, uthe uxakekile uma ebona igama lakhe kulo mncintiswano ekubeni wayebathelile abahleli bawo ukuthi akafuni ukuwungenela. Uthi ngesikhathi ecelwa ukuba awungenele, kwakuthiwe ngoweRise FM.

"Kangisazifuni izinto ezithinta abalandeli nokuvota ngoba eku-gcineni uma bengasayiboni into abebeyivotela, balwa nathi.

"Ebesivumelene ngakho naye umhleli womncintiswano wukuthi uma sekwenziwa umcimbi wokunikezela ophumelele umklomelo wakhe, engangimema. Ngihlukumezile uma sengithola ukuthi

igama lami belisekhona kulo mncintiswano," kusho uMdmuzi.

UMntuyenziwa "Bhemile" Khanyile, uthi usathukile namanje ngobekwenzeka kulo mncintiswano ekubeni wayecele ukuhoxiswa ngenxa yokungacaci kwawo.

UMzukulu uthi naye akazange azihluphe ngawo kodwa igama lakhe belifakiwe,



UMNTUYENZIWA "BHEMILE" KHANYILE

evotelwa.

Abanye abaculi abebeqokwe nguMzovukile "Jaiva" Khanyele noStayela Khanyile. IILANGA linayo imiqhafazo, okuthiwa yabhalwe abaculi betshelwa ukuthi bayingxenyi yalo mncintiswano, eqala ngomyalezo othi: "Umsakazo iRise FM ukwazisa ukuthi umuntu oqokelwe ukungena emncintiswaneni."

Umqhudelwano waqala mhla ka-15 ngoNhlangano (June) waphethwa mhla ka-15 kuMandulo (September).

Ebuzwa uMlambo, ukuphikile ukuthi ubezichaza njengomsakazi kubaculi. Uthi imiphumela wayimemezela ekhasini lakhe leFacebook.

"Kwanqoba umculi wase-Mtubatuba obizwa ngoNgqongqoshe. Inkinga yalaba abanye abaculi kabafunanga ukwamukela ukuthi bahluliwe, yingakho benganelisekile.

"Bebefuna kuvezwe ukuthi kuvotwe kanjani, okusenzima okwamanje ngoba inombolo (password) esetshenziswayo

uma kubhekwa lokho iyimfihlo, uma izosetshenziwa ngomunye umuntu engathola ilungelo lokuthatha imali yamavoti ngokungemthetho," kusho yena.

Uthi usazowaveza amavoti uma esenikeziwe imali etholakale ngawo.

IILANGA lihlulekile wukuthola lo mculi okuthiwa uwinile, kanti nomnikazi womncintiswano uthe umklomelo ka-R90 000 umnike ngemvilophi, ngakho-ke kabukho ubufakazi.

Umphathi esiteshini iRise FM,

uMnu Vukani Gumede, uthe kusazohlalanganwa nabathintekayo kubhungwe ngalolu daba.

"Umhleli womncintiswano ubesakaza lapha ekhaya cishe eminyakeni emibili edlule. Waqala umncintiswano wakhe engasabenzi kwiRise.

"Ngesikhathi ewuqala kuke kwaba khona inkulumbo enje, sambuza waphika wathi kalithinteki igama lesiteshi emncintiswaneni wakhe," kusho uMnu Gumede.

mthobisis@ilanganews.co.za

THE FUTURE IS NOW!

Mthashana TVET College is situated in the Northern Region of KwaZulu - Natal and covers a vast area served by 3 District Councils: Zululand District Municipality, uMkhanyakude District Municipality and uMzinyathi District Municipality. Built with community at heart, Mthashana's mandate is to bridge the gap of skills shortages through quality teaching and learning, leading to employment and self-sufficiency.

Mthashana offers a wide array of courses including but not limited to Agriculture; Travel and Tourism; Business, Commerce and Management; Human Resources; Engineering, Services and Building Construction.

Mthashana TVET College recognizes the challenges faced by rural communities. The Department of Higher Education and Training TVET Colleges Bursary Scheme has been established to assist students who have the potential to succeed, but would not be able to do so without financial aid.

Photo by Damani Carr on Unsplash



USIFANELE "MZUKULU" ZULU



UMAMA MAJOLA

- Izikinga zothando
- Inzalo
- Umsamu
- Wina iLotto
- Nokuningi usizo lukhona

Mshayele

063 317 2187



266 South Street, Vryheid, 3100, Private Bag X9424 Vryheid, 3100
Tel: (034) 980 1010 | Fax: (034) 980 1012
Website: www.mthashanacollege.co.za | E-mail: info.mthashana@kzntvet.edu.za